

علمات حب العبد لله - شريف علي

شريف علي

كتاب انزلناه اليك مبارك ليذروا اياته وليتذكر اولوا الالباب بسم الله والحمد لله والصلوة والسلام على رسول الله صلى الله عليه وسلم رب اشرح لي صدري ويسر لي امري واحلل عقدة من لسانني يفهوا قوله - 00:00:08

يقول النبي صلى الله عليه وسلم ما اجتمع قوم في بيت من بيوت الله يتلون كتاب الله ويتدارسونه فيما بينهم الا نزلت عليهم السكينة وغشيتهم الرحمة وحفته الملائكة وذكرهم الله فيمن عنده - 00:01:01

ويقول النبي صلى الله عليه وسلم ما اجتمع قوم يذكرون الله الا ونادى مناد من السماء ان قوموا مغفورا لكم قد بدلتم سيناتكم حسنات وقال صلى الله عليه وسلم من سلك طريقا يلتمس فيه علما سهل الله له به طريقا الى الجنة - 00:01:19

اه فاللهم لك الحمد ان ربنا سبحانه وتعالى بجمعنا على هذه الطاعة وزي ما كل مرة بنقر ان انت لما بتيجي الدرس ده مش بشطارتك. انت بتيجي هنا بتوفيق من ربنا سبحانه وتعالى. ربنا اراد بك خيرا ان انت تيجي - 00:01:41

وتسمع ييسر لك الطاعة زي ما كنا بنقول في الدرس اللي فات ان من علمات محبة الله للعبد تيسير الطاعة. ربنا يا رب يفتح علينا كده ويبارك لنا في المجلس ده. بسم الله. ان شاء الله النهاردة هنتكلم عن - 00:01:59

علمات صدق محبة العبد لله ماشي اه بنقول العلامات دي ليه علشان اه علشان انت تقف مع نفسك كده واقفة وتقول اه هي دي موجودة في ولا لا ان انت تراجع نفسك - 00:02:14

فاحنا بنقول العلامات اللي لو العلامات دي موجودة فيك يبقى انت بتتحب ربنا ولو مش موجودة فيك يبقى في خلل في مسألة ايه المحبة. العلامة الاولى من علمات حب العبد لله هي حب لقاء الله سبحانه وتعالى - 00:02:30

الانسان لما بيحب حد بيحب يقابلها بيحب يقعد معه بيحب يتكلم معه فمن من صدق من علمات صدق محبة العبد لله ان انت تحب ان انت تصلي تحب ان انت تقف بين ايدين ربنا سبحانه وتعالى - 00:02:46

النبي عليه الصلاة والسلام كان يتعامل في مسألة الصلاة دي بنوع من الحب قال صلى الله عليه وسلم حب حب ما الي من دنياكم الطيب والنساء وجعلت قرة عيني في الصلاة - 00:03:01

يعني ايه قرة عيني يقول لك العين القريرة عكس العين الزائفة الرجال ده عينه زايقة يعني بص يمين وشمال. عين قال تعالى ربنا هب لنا من ازواجنا وذرياتنا قرة اعين - 00:03:18

وجعلنا للمتقين اماما ان انت عينك تستقر على حاجة تبقى خلاص راضي بها حاببها النبي عليه الصلاة والسلام كانت قال جعلت قرة عيني في ايه الصلاة الصلاة ان لما كان بياندي على بالال يقول ارحنا بها يا بالال - 00:03:33

ان معاملة النبي عليه الصلاة والسلام مع الصلاة معاملة المحب كان يقوم صلى الله عليه وسلم حتى تتورم قدماه كلنا عارفين الحديث صح لكن بالله عليك عايزك بس تتخيل ان - 00:03:54

ان الصحابة السيدة عائشة وكتير من الصحابة رروا الحديث زي ده انهم شافوا رجلين النبي وارمه يعني النبي عليه الصلاة والسلام فضل واقف يصلی واقف يصلی لحد ما رجله ظهر عليها الورم - 00:04:10

يعني انت اخر مرة وقفت في رمضان مسلا يعني رجليك بدأت توجعك شوية كده انا بكلمك النبي عليه الصلاة والسلام وقف لحد ما رجله ظهر عليها ورمت ان انت تبعض تقول ده رجله ورمت - 00:04:23

تورمت قدماه حتى تتفطر قدمه من طول القيام ابن مسعود رضي الله عنه بيروي الحديث لما دخل خلف النبي صلى الله عليه وسلم

في الصلاة قال آآ فبدأ النبي استفتح بالبقرة - 00:04:37

النبي صلى الله عليه وسلم اطال القراءة فقلت يركع عند المئة ميت اية وهيركع فبعدين كمل مية وعدى فقلت يركع عند ميتين مثتين فكم فقلت يركع بها يعني يكمل البقرة كلها ويركع - 00:04:55

فاكم البقرة واستفتح بالنساء خلص النساء ودخل في ال عمران فقال ابن مسعود حتى همت بامر سوء همت ان اجلس واترك النبي صلى الله عليه وسلم. متخيل! يعني انت متخيل قيام النبي للصلاه كان عامل ازاي - 00:05:16

كان سجود النبي نحو من قيامه. يعني لما كان الركوع والسجود نحو يعني ايه يعني قريب من القيام لدرجة ان السيدة عائشة قالت كان يسجد حتى اظن انه ايه؟ قبض - 00:05:33

صلى الله عليه وسلم. فتخيل السجدة يعني لو قرأ مسلا البقرة وال عمران والنساء مسلا قد ايه؟ اربع ساعات مسلا. يبقى السجدة دي كانت ايه؟ سجدة ساعة مسلا. تخيل النبي عليه الصلاة والسلام ساجد - 00:05:49

ساعة ساجد ساعة على الارض ساجد الساعة دي بيذيعي بيقول ايه طب هل ده حال ده حال محب يعني لما النبي عليه الصلاة والسلام سئل قالت عائشة رضي الله عنها يا رسول الله - 00:06:02

تفعل هذا وقد غفر الله لك ما تقدم من ذنبك وما تأخر هي المسألة مش مسألة انا اتغفر لي ولا لا قال يا عائشة افلا احب ان اكون عبد شكورا - 00:06:20

لما قالت عائشة رضي الله عنها قمت في ليلة فالتمست النبي فلم اجد ذهب لبعض نسائه على طول آآ يعني النساء نساء يعني. فقلت ذهب لبعض نسائه فتحسست فاذا وضعت يديها على الارض او قدميها الارض فاذا قدميها النبي منصوبتان وهو ساجد - 00:06:37

يقول اللهم اني اعوذ بك اعوذ برضاك من سخطك وبمعافاتك من عقوبتك واعوذ بك منك لا احصي ثناء عليك انت كما اثنيت على نفسك فقالت بابي انت وامي يا رسول الله انت في شأن وانا في شأن - 00:07:03

انا بفكرا ان انت رحت لبعض نسائك وانا وانت ايه في عالم تاني في عالم تاني اعوذ برضاك من سخطك وبمعافاتك من عقوبتك واعوذ بك منك لا احصي ثناء عليك انت كما اثنيت على نفسك - 00:07:19

ده حال ايه؟ محب بيحب ربنا لما قال لعائشة يا عائشة اسمع الكلمة دي ذريني اتعبد الليلة لرببي. ذريني سيبيني اقوم اصلی قالت يا رسول الله والله اني احب جوارك ولكنني اؤثر هواك - 00:07:38

نفسی تبقى جنبي بس انا ايه اوثر هواك. قالت فقام النبي صلى الله عليه وسلم يصلي فبكى حتى بل صدره. ثم رکع فبكى حتى بل حجره ثم سجد فبكى حتى بل الارض - 00:07:58

فجاء بالل يؤذنه لصلاة الفجر فقال يا رسول الله يعني تبكي وقد غفر الله لك قال يا بالل يا بالل نزلت علي اية ويل لمن قرأتها ولم يتذكر فيها. ان في خلق السماوات والارض ايات ال عمران - 00:08:14

الشاهد من من الكلام ده ايه النبي عليه الصلاة والسلام كان بيحب ربنا كان بيحب ربنا عليه الصلاة والسلام. فمن علامات صدق محبة العبد لله حب الصلاة كان كان صلى الله عليه وسلم اذا حزبه امر - 00:08:34

اهي فزع الى الصلاة عارف يعني ايه فزع يعني انت اول لما تحصل لك مصيبة بتعملى ايه بتترفع التليفون على طول فلان الحقني. كان اذا حزبه امر او اذا حزنه امر لما يحصل لك ابتلاء ولا يحصل لك مصيبة. اول حاجة تعمليها ايه - 00:08:52

تفرشي السجادة وتدخلي تصلي عارف احيانا الواحد يتحط في مصيبة ولا بلاء وهو مش عارف هيتحل ازاي تدخل تفرش السجادة وتصللي بس كده وتدعي وتسجد وتتطول وتنكسر لله تندلل لربنا سبحانه وتعالى - 00:09:10

قلت له يا رب انا مش عارف اعمل حاجة حلها لي انت ممكن تقوم ترفع من السجدة دي وانت حاسس ان الدنيا ايه خلاص الموضوع خلاص. هو ما فيش حاجة حصلت - 00:09:26

بس انت حاسس بسكتينة ووضوء ان خلاص ده اثر الصلاة ده اثر الصلاة فمن علامات صدق محبتك لله ان انت تحب الصلاة. انت تحب

لقاء الله. قال صلى الله عليه وسلم من احب لقاء الله احب الله لقاءه - 00:09:37

ومن كره لقاء الله كره الله لقاءه انت تحب لقاء ربنا في الصلاة او بالموت قالت يا رسول الله كلنا يكره الموتى عائشة رضي الله عنها
قال ليس ذلك ولكن العبد المؤمن اذا كان في انقطاع من الدنيا نزلت اليه ملائكة فتبشره بالجنة في حب لقاء الله - 00:09:57

فيحب الله لقاءه فاول علامات صدق محبة العبد لله حب لقاء الله. تاني علامات ان يكون مستهترًا بذكر الله. مستهترًا يعني
كثير الذكر لسانه ده بيلهج بذكر الله. بيتكلم عن ربنا كثير. اللي بيحب حد - 00:10:19

تلاليه بيحب واحدة ويقعد بيتكلم مش عارف كذا دهب وصواعي ايديها ويوصي مش عارف ايه وورجلها مش اصابع رجلها عاملة
ايه ويتكلم عن تفاصيل تفاصيل كل حاجة في اللي بيحبها دي - 00:10:42

اللي بيحب الكورة مسلا بيحب معين كل ما تقدر معه يقدر يكلمك وفلان شفت وعمل شفت الترقية دي وشوفت عمل ايه اللي
بيحب العربيات كل ما تقدر معه تلاليه بيتكلم على العربيات - 00:10:56

بيحب الفلوس كل ما تقدر معه تلاليه بيتكلم في التجارة والفلوس والشغل اللي بيحب حاجة بيتكلم عنها مش بس بيتكلم بيسحسن
الكلام عنها صح ولا غلط صح ولله المثل الاعلى - 00:11:08

اللي بيحب ربنا سبحانه وتعالى بيذكر ربنا كثير بيكثر من ذكر الله. بيسحسن الكلام عن الله سبحانه وتعالى بيحب ربنا. يعني الكلام
المحب مختلف تماماً والذكر مش مجرد ان انت بس ايه ذكر باللسان - 00:11:23

ده واحد من بداية اليوم وهو فاكر ربنا سبحانه وتعالى في كل تفاصيل طول ما هو ماشي يعني اللي اللي ماشية في الجامعة ويتغض
بصرها ولابسة حجابها وهي نازلة من بيتها حجاب آآ شرعي محتشم وماشية وبنفس بصرها ولما تيجي سيرة - 00:11:40

لحد ما تتكلمش دي ايه ده في ذكر طول اليوم اصلاً. يعني هو طول اليوم فاكر ربنا لما واحدة بتتعدي بيعض بصره وهو فاكر
ربنا سبحانه وتعالى قال ان تعبد الله كأنك تراه - 00:11:56

فان لم تكن تراه فهو يراك. هي دي المراقبة ان اللي بيحب ربنا طول اليوم صاحي من بداية اليوم هو مشغول مشغول بربنا بيفكر في
ربنا هعرضيه ازاي النهاردة انا انا كده صح ولا غلط - 00:12:12

هو كده انا كان المفروض اعمل كذا وما اعملش كذا عشان ربنا يرضي عنی. ربنا شايفني. فدایماً فاكر ربنا وبالتالي كثير الذكر يعني
تلاليه قاعد مع نفسه كده ماسك كده السبحة ولا حاجة وهو قاعد ايه - 00:12:28

بيصلی على النبي عليه الصلاة والسلام يستغفر بيسبح ربنا بيقول لا الله الا الله وحده لا شريك له له الملك وله الحمد يحيي ويميت
وهو على كل شيء قادر. ميت مرة - 00:12:43

بيكتير من الزكر هتلاليه بيتكلم عن ربنا بيدعو الى الله بيتكلم هو هو بيحب ربنا فكل ما يقدر مع حد ايه يكلمهم عن ربنا فمن علامات
صدق محبة العبد لله كثرة الذكر - 00:12:54

ثالث علامات صدق محبة العبد لله قال ان يكون ان انسه بالخلوة مع مولاه اه في اه في ناس لما بتقدر لوحدها بتزهق
يقول لك يا عم انا زهقان يكلم اي حد انزل اخرج اعمل اي حاجة انا ما بحبش اقدر لوحدي - 00:13:12

في واحد بيستنى اه اه لحظات كده في اليوم اللي مشغول في وسط الجامعة وفي وسط الدروس والشغل حياة زحمة الحياة
بيستنى كده ايه ساعة كده يقدر مع نفسه - 00:13:35

يخلو بربه سبحانه وتعالى فمن علامات صدق محبة العبد لله ان انت تحب الخلوة خلوة يعني ايه؟ يعني انت تبقى قاعد كده قال
ورجل ذكر الله حالياً ففاضت عيناه. حالياً يعني ممكن تبقى في وسط الناس - 00:13:51

بس انت بيئن وبين ربنا ايه حال انت قلبك ده في حلة تانية خالص فتلاليه يحب الوقت نازل مسلا اصحابه خارجين بالليل يقول لك
لا لا انا الوقت بتاع الليل ده بالنسبة لي ده وقت خاص بيني وبين ربنا - 00:14:09

ده وقت الخلوة بتاعي خفي وفيه جزاء الله خيراً ان الناس كلها قاعدة بتتفرق على الماتشات والناس كلها في التوادي وده ايه روح
قفل عليه اوضة وقفل النور وفرش السجادة وحط مصحفه كده ولبس آآ احسن السياب واتعطر يا عم انت رايح فين انت خارج؟ لا

ده في حال بيته وبين ربنا ده مع نفسه كده ويقرأ القرآن كانت قراءته آآ مترسلة متأنية لا يمر بآية فيها سواب الا وسائل الله يعني تلقي آيات بتتكلم على الجنة فالنبي عليه الصلاة والسلام كده ايه يتفاعل مع القرآن - 00:14:52

اللهم اني اسألك الجنة. آية فيها ذكر عزاب يستعيد من النار فتفاصل مع القرآن ان الانسان ده بيأنس بالخلو انا انا احب ان انا ابقي مع نفسي مش ان انت تعزل عن الناس - 00:15:11

لكن يبقى لديك وقت بينك وبين ربنا حال مع الله سبحانه وتعالى فمن علامات صدق محبة العبد لله ان انت تأنس بالخلق ان انا مستبني كده نص ساعة كده امسك مصحفى واقعد اقرأ - 00:15:28

مستبني الساعة اللي هي بالليل اللي هتتيجي دي اللي انا آآ هقدر اقرأ فيها قرآن او ان انا آآ هقف كده افرش السجادة واصلي واطول في السجود وادعى واتكلم مع ربنا سبحانه وتعالى وافضفض - 00:15:41

يأنس بالخلو رابع عالمة ودي مهمة جدا ان يكون اسفه او اسفه على ما فاته من الله اعظم من اسفه على ما فاته من الدنيا او من دنياه يعني ايه الكلام ده؟ فيه ناس لو فاتها طاعة - 00:15:55

لو فاته مسلا درس لو صحي من النوم وما صلاش الفجر راحت عينومة اليوم ده بيبقى يوم يعني بص هو مش طايق نفسه طول اليوم. ليه يا عم سبني بص انا ما صلتتش الفجر النهاردة وحاسس ان انا مش طايق نفسي - 00:16:16

صاحي مخنوقي عشان ما صلاش الفجر عشان فاته طاعة ما قدرش يصللي قيام الورد بتاعه فاته فزعلان ما قراش القرآن بقى له يومين فايه فمتأسرك لي شوية مقصود مع ربنا في الدعاء وفي الذكر وفي السجود فمتضايق - 00:16:32

فاتاني درس مجلس علم ما حضرتوش راحت علي نومة فزعلان يأسف على ما فاته من الطاعة يتحسن على الايام اللي ضيعها وهو بعيد عن ربنا سبحانه وتعالى ده محب ده بيرحب ربنا - 00:16:53

ده بيرحب ربنا وبيرحب الطاعة. فلما الطاعة تروح منه يزعل. الطاعة عنده غالبة الطاعة عنده غالبة في واحد تاني بياسف على ايه على ما فاته من الدنيا آآ راح عليها ماتش تسامبيونزليج دوري ابطال اوروبا الاربع اللي فات وزعلن ازاي ان انا ما شفتش الماتش! مداقق اووي - 00:17:10

او ان كان كنت هصاحب فلانة وهي ما وافتتش للأسف فزعلان يأسف على ما فاته من الدنيا او من المعصية ده الانسان ده الانسان ده لما بيتحط في مقارنة بين اختيار دين و اختيار الدنيا يعني يجي مسلا ايه تعارض عنده درس وعنده في وقت الدرس مسلا - 00:17:30

مسلا مصلحة دنيوية او حاجة هو بيرحبها. ماتش كورة مسلسل آآ خروجة مع اصحابه آآ اي حاجة اي حاجة هو بيفضلها على ده فتلقيه في وقت التعارض ده بيفضل الحاجة اللي هو بيرحبها اكتر - 00:17:53

لو هو محب للطاعة ومحب للدرس يفضل الطاعة قال يوسف عليه السلام قال رب السجن احب الي مما يدعونني اليه. قال له انا قاعد سجن بس ده احب الي من الفاحشة - 00:18:08

بتدخل السجن هو السجن ده حد يتمنى السجن لا بس لو السجن ده انا هبقى فيه طاعة لله وهبعد عن المعصية لا السجن بالنسبة لي احسن فان انا اقعد في بيتي ما اخرجش خروجة فيها معصية واقعد في بيتي اتسجن في بيتي ده بالنسبة لي الحمد لله كده احسن. ربنا بيبقى راضي عنى - 00:18:24

اه تمام اقعد في البيت اصلی اخرج خروجة فيها طاعة بس ما اخرجش خروجة فيها معصية فالانسان اللي بياسف على فوات الطاعة ده محب لله من علامات صدق محبة العبد ان لو فاتك صلاة الفجر تصحي متعمقون متضايق - 00:18:43

وتقول لا مش هفوتها تاني. ان انت لما تعصي ربنا سبحانه وتعالى تبقى متضايق. زعلن حزين ان انا قصرت في حق ربنا الثاني ممكن يفرح بالمعصية والعياذ بالله يفضل ماشي يحاول ورا معصية معينة واول لما يظفر بالمعصية دي بيبقى في قمة السعادة. وحاسس بانتصار - 00:18:59

فضل ورا البنت لحد يمين وشمال ويكلمها لحد ما ايه لحد ما وصل الموضوع ففرحان حاسس بنشوی عرفت آآ اظبطها خلاص الموضوع انتهى العلامة الخامسة التلذز بالطاعة وعدم استثقال الطاعة - [00:19:21](#)

تقول واحد يقول لك يا عمي القيام ده تقيل علي قوي قل له يا عم انت ما بتقىمش ما بتصليش قيام ليل؟ يقول لك يا عم هو انا بصلي قيام النهار وعشان تصلي قيام الليل؟ ما فيش تقيلة. الصلاة تقيلة. الذكر تقيل - [00:19:44](#)

آآ قراءة القرآن تقيلة على قلبي مش قادر ممكن نفس الشخص تنزل مسلا ايه الجامعة الساعة تمانية الصبح تبقى انت داخل المحاضرة عشان تاخد الغياب بتعاك وقائم عينيك منفحة ومش طايق نفسك - [00:19:59](#)

وتلاقى ايه الواد واقف قدام جامعة قدام كلية هندسة واقف ايه مع واحدة على الصبح كده واقفين مع بعض بيعجوا في بعض تدخل المحاضرة وتحضر محاضرة وتخرج تلقيهم واقفين مع بعض - [00:20:14](#)

الله انت يا ابني واقف رجليك ما وجعتكش واقف من الساعة تمانية للساعة اتناسنر متواصل سبات. الشمس تيجي عليه مش عايز حتى يقف في حته ظل. مش عايز يقف لأ هو سابت على موقفه - [00:20:30](#)

وهي ما شاء الله يعني اسد واقف. فعنه صبر وجلد على المعصية غير عادي ايام زمان لما كان آآ ايام الزمن الجميل يعني كان واحد بقى عايز يصاحب واحدة كان بقى يلف تحت البيت ويقع ويقع بقى تحت بالعربيه ويحيب - [00:20:45](#)

ويحيب اييميلها ويبيعت لها على الايميل تقوم عاملة له بلوك واعمل اييميل ثاني. صبر رهيب. يعني ممكن يعمل عشر اييميلات عشان ترد عليه. وكل مرة ايه بيأخذ كلمة زياد يعني تقوم ايه بقى عاملة له بلوك بعد خمس سوانى - [00:21:03](#)

بعد عشر دقايق بقى شوية ايه تبتدى خلاص تجيب معه مسلا ما خلاص كده سيبك بقى من خطوات الشرايح بنتكلم عن ايه؟ على الصبر على المعصية الصبر على المعصية ان واحد عنده همة ان ويطبق عشان تاني يوم يروح لها عند مش عارف ايه مجهد رهيب بيبنزل مجهد فعلما الرجال بيتبع - [00:21:17](#)

تقول له انت رجلبك مش وجعلك؟ لا لا مش وجعلني. نفس الشخص ممكن يدخل المسجد لو الامام بس قرأ بصفحة قرأ بصفحة ايه يا عم الناس دي بتطول كده ليه - [00:21:40](#)

رجليا وجعلني يا عم احنا ورانا مشاغل ماشي؟ عارف انت عارف نوع ايه فمن علامات صدق محبة العبد لله هو الاولاني ده اللي واقف الشاب اللي كان واقف مع بنته مش حاسس بتبعد ده - [00:21:52](#)

مش حاسس بتبعد هو عمل كده ليه؟ هو بيرحب ايا كان بقى يعني بيرحب هو بيتسلى ولا يعني بس ده ايه من محبة فمش حاسس بالم مش حاسس فيبيضحي فاللي بيرحب ربنا سبحانه وتعالى اللي هي المثل الاعلى ونعتذر عن التشبيه يعني ده الدهس والله المثل الاعلى احنا بنقول ده للتقرير يعني - [00:22:06](#)

الشاهد ان ان من علامات صدق محبة العبد لله من علامات صدق محبة العبد لله عدم استثقال الطاعة التلذذ بالطاعة ان انت تستمتع بقراءة القرآن عارف في واحد كده بيشغل القرآن جنبه - [00:22:32](#)

يسمع اول لما يسمع شوية زهقت بيزهق من القرآن مش قادر يسمع كثير في واحد تاني مستمتع مستمتع بالآيات قاعد بيسمع ويقلب من الصورة دي للصورة دي من التلاوة دي للتلاوة دي فرحان سعيد - [00:22:51](#)

بيتلذز بالعبادة من من علامات آآ صدق محبة العبد لله ان هواك هواك بيقى مع الطاعة. يعني في واحد طاعة مش على هواه بس بيجاهد نفسه ده مأجور يعني بيجاهد نفسه عشان يصحى يصلى الفجر بيجاهد نفسه عشان يصلى قيام الليل بيجاهد نفسه عشان يقرأ القرآن عشان يغض بصره. لكن في واحد هو اه بقى مع الطاعة. يعني - [00:23:09](#)

هو بيرحب الطاعة هو بيرحب يقرأ قرآن ودي من نعمة ربنا على العبد قال صلى الله عليه وسلم لا يؤمن احدكم حتى يكون هواه ايه تبعا لما جئت به ان هو بقى ايه - [00:23:35](#)

بقي موافق للشرع فالشرع يقول البسي النقاب ولا البسي الحجاب تقول ايه سمعنا واطعنا ده هواوية اصلا ده اه ده انا مبسوطة بده الشرع يقول غض بصرك سعيد. بغض بصرى وانا راضي وفرحان. مش بقدر اقول طب ليه كده؟ طب آآ طب اصل كذا طب اصل

اقنعني لا لا هو هو اصلا ايه - 00:23:51

هواه مع الشرع الشرع بيقول يمين انا يمين الشرع بيقول ما تروحش شمال مش هروح شمال من علامات صدق محبة العبد لله ودي
العلامة الخامسة التلذذ بالطاعة وعدم استئقال الطاعة - 00:24:12

سادس عالمة لو انت في يوم من الايام ماشي في الشارع فلقيت واحد ايه بيشتمن ابوك هتعمل ايه هتفوضب صح من علامات صدق
محبة العبد لله ان يغضب لله سبحانه وتعالى - 00:24:26

ولا لي مسل اعلى ان انت تفوضب لربنا. يعني ايه يعني ايه غضب الله؟ قبل ما اقول لك يعني ايه غضب الله؟ انت بتفوضب لايه يعني
يسأل نفسه سؤال كده ايه الحاجة اللي بتخليك تفوضب - 00:24:44

تفوضب ليه في واحد بيفوضب لما الفريق بتاعه بيخرس ذكور بيفوضب وبيتخانق ويقع على يقع على الفيسبوك وممین يشنتم في الناس
ويتخانقوا مع بعض علشان مسلا ايه الاهلي كسب والزمالك مش عارف خسر - 00:24:56

ولاء وبراء وده بيوللي دول وحرب. ويقع على يشنتم في ده وداخل واهب نفسه في الكومباتات وعلى الرد. وعايش قضية
يعني يعني وانتمش عارف كذا وانتمش عارف ايه وده يشنتم في ده ولا دي اصلًا يعني هو الماتش خلص واللعيبة خدت فلوس
وراحوا وناموا وعاشوا - 00:25:12

عادي وانت لسه قاعد تخانق هو ده قطع الفانلة ولا لا وده فاول ولا لا؟ وده شف ده بيمسل بص هنا ايده كانت رايحة فين يا عم يا
عم انت - 00:25:32

ويتخانق ويشنتم بتفوضب لايه؟ ايه الحاجة اللي بتتحرك غضبك في واحد بيفوضب لاي توافقه من توافقه
الدنيا. واحد كسر عليه فتلقيه بقى ويزعزع وي Shenتم ويغضب - 00:25:45

في واحد بيفوضب لله النبي عليه الصلاة والسلام كان احل من الناس السيدة عائشة قالت كان احل من الناس عليه الصلاة والسلام
وكان لا يفوضب قط لا يفوضب لنفسه قط - 00:26:00

الا ان تنتهك حمرة من حرمات الله اذا انتهكت حمرة من حرمات الله فلا يقوم لغضبه احد يعرف في وجهه صلى الله عليه وسلم
بغضب قال او بدعوى الجاهلية وانا بين اظهركم؟ دعواها فانها منتنة وينتفخ عرق في جبهة النبي عليه الصلاة والسلام. يعرفوا ان هو
ايه - 00:26:19

غضبان انهم عملوا حاجة حرام يغضب لله ان انت من علامات محبة الله من علامات صدق محبة الله ان انت تفوضب بس تفوضب ليه
له. يعني ايه اغضب لله - 00:26:40

اغضب لله يعني لما اشوف الله سبحانه وتعالى بيعصى اغضب مش هفضل من العصاة مش هكره العصاة لكن انا غضبان ان ربنا
بيعصى لما الباقي الفواحش منتشرة والكفر منتشر والالحاد منتشر وشرب الخمر منتشر - 00:26:54

ابقى انا ماشي ايه؟ غضبان مضائق متضايق ان الناس بتعصى ربنا سبحانه وتعالى الحديث وان كان الحديث اه اظن فيه ضعف
يعني لما قال ارسل الله جبريل يخسف آآ بقرية - 00:27:13

الارض فقال يا جبريل يا رب فيها عبدك آآ فلان صالح قال به فابداً فانه لم يتمعر وجهه من اجل قط. لم يتمعر يعني ايه ما فيش مرة
يغضب. شايف الناس كلها القرية كلها على الكفر. وده ايه - 00:27:30

متعايش عادي ما بيفضبيش لله فمن كل ما انت تبقى صادق في محبة الله كل ما هتبقي متضايق تفوضب لغضبه لله ان اللي حبيبي
بيحبه وانا بحبه واللي حقيقي بيكرهه انا بكرهه - 00:27:48

واللي يغضب حبيبي يغضبني. فمن علامات صدق محبة العبد لله ان يغضب لحبيبي العلامة السابعة من علامات صدق محبة العبد لله
ودي العلامة الاخيرة ان تحب ما يحب الله سبحانه وتعالى - 00:28:06

انت تحب الحاجة اللي ربنا سبحانه وتعالى بيحبها ودي قلناها قلناها قال صلى الله عليه وسلم لا يؤمن احدكم حتى يكون هو تبعاً لما
جئت به. قلنا في الدرس اللي فات كلمة للامام جعفر الصادق او - 00:28:22

سفيان الثوري فقال قال له هقول لك وصية حاجتين. لو عملت الحاجتين دول واذيت عليهم وعشت عليهم ومت تدخل الجنة
قال له ايه الحاجتين دول؟ قال احتمال ما تكره اذا احبه الله - 00:28:35

احتماله ما تكره اذا ايه اذا احبه الله وترك ما تحب اذا كرهه الله اعمل بهما وانا شريك قال له اعمل وخلاص احنا ايه ان شاء الله
يدخل الجنة الحاجة الاولانية ايه - 00:28:52

احتماله ما تكره اذا احبه الله هي الحاجة دي ربنا بيحبها اه ربنا بيحبها. طيب انا كمان بحبها كان شوف شوف
انس ابن مالك آ قال - 00:29:09

قال انس وانا احب الدبيان دبا اللي هو ايه زي القرع كده القرع زي البطيخ قال وانا احب الدبيان ليه بقى ليه سيدنا انس بيحب القرع
ليه قال لان رسول الله صلى الله عليه وسلم لان رسول الله صلى الله عليه وسلم كان يحبها - 00:29:26

يعني انا بحبها علشان النبي عليه الصلاة والسلام كان بيحبها فالنبي عليه الصلاة والسلام كان بحب كذا فانا مع ان ده مش متبعد به
ده مش متبعد به لكن هو انا بحب النبي عليه الصلاة والسلام. فانا بحب الحاجة اللي هو بحبها - 00:29:52

يعني كان ابن عمر رضي الله عنه من شدة محبته للنبي صلى الله عليه وسلم كان يتبع اثر اقدام النبي يبقى ماشي كده فيلاقوه ايه؟
حوت. لف كده بالحنة ورا شجرة - 00:30:09

فيسألوه فقال كنت مع النبي صلى الله عليه وسلم فحاد عن هذه الشجرة انا ماشي مع النبي فالنبي عليه الصلاة والسلام وهو ماشي
راح ايه حوت كده. فلقى ايه انا باحود زيه - 00:30:22

كان يتبع حتى في ماشيين في سفر فوق ابن عمر يتبول فسألوا عنه فقالوا له يقضي حاجته فقال والله ما كان بي من حاجة غير ان
النبي صلى الله عليه وسلم بالهنا - 00:30:36

يعني شف الاتباع لدرجة ايه ده بيعمل ده بحب النبي عليه الصلاة والسلام اللي بحب النبي عليه الصلاة والسلام اللي بحب ربنا
هيحب اللي ربنا بحبه من علامات صدق محبة العبد لله - 00:30:51

انك تحب ما يحب الله سبحانه وتعالى احتمال ما تكره اذا احبه الله وترك ما تحب اذا كرهه الله. فاحنا قلنا كده كم علامة؟ سبعة. سبع
علامات. الله الله عليك - 00:31:06

العلامة الاولى حب لقاء الله العلامة الثانية كسرة الذكر والدعوة الى الله العلامة الثالثة الانس بالخلوة. العلامة الرابعة ان يأسف على ما
فاته من الطاعة العلامة الخامسة التلذذ بالطاعة وعدم استسقاء الطاعة. العلامة السادسة غضب الله. العلامة السابعة ان تحب ما يحب
الله. سبحانه وتعالى - 00:31:18

آآ الهدف من العلامات دي ايه ان احنا نراجع نفسنا انت تشوف الدرس ده مع الدرس اللي فات انا عايز ربنا يحبني ولا أ وهو عايز ربنا
يحبني طب هعمل ايه عشان اوصل لمحبة الله - 00:31:38

الاعمال بتاعة الدرس اللي فات طب ايه سمرات محبة الله للعبد؟ الاعمال بتاعة الدرس اللي فات اه طب الدرس ده انا عايز اشوف انا
اصلا بحب ربنا ولا أ؟ قيس نفسك بقى - 00:31:53

شوف اخبار القيام ايه اخبار الاستمتع بالعبادة ايه؟ اخبار الانس بالخلوة ايه؟ اخبار الدعاء اخبار السجود التبتل اخبار محبة اخبار
حبك للشرع ايه؟ حبك للاسلام ايه لما الحاجات دي تبقى - 00:32:03

في دماغك وبراجعها وبنفك فيها هنلاقي نفسك ان انت ممكن بيقى عندي مشكلة في مسألة الحب. انا ما بتهمش ان احنا ما بنحبش
ربنا بس حب ربنا مش مالي قلبي لدرجة ان الحاجات دي عندي مترسخة ثوابت - 00:32:19

نكتفي بهذا القدر جزاكم الله خيرا بعتذر على الاطالة سبحانك الله وبحمدك اشهد ان لا اله الا انت استغفرك واتوب اليك - 00:32:35